

Sakspapir

Saksnr	Utvalg	Type	Dato
065/22	Kommunestyret	PS	15.09.2022

Sakshandsamar	Arkiv	ArkivsakID
Asbjørn Nagell Toft	FE-033, HistSak-20/281	22/712

Medfinansiering av drift av vassområdet Nordhordland frå 2022-2027

Vedlegg

Årsmøtepapir - Nordhordland Vassområde 2022

1 Prosjektplan_Nordhordland vassområde 2022-2027

2 Årsmelding Nordhordland vassområde 2021

3 Rekneskap 2021 og budsjett 2022 Nordhordland vassområde

4 Aktivitetsplan 2022_Nordhordland vassområde

Saksliste Nordhordland VO 16.06.2022

Framlegg til vedtak:

Austrheim kommune si medfinansiering av drift av vassområdet Nordhordland vert kr 39.478 pr år frå 2022-2027. Midlane til dette arbeidet kan takast frå disposisjonsfondet. Prosjektplan for vassområde Nordhordland 2022-2027, datert mai 2022 vert teke til orientering.

Kommunestyret - 065/22 - 15.09.2022

KS - behandling:

Sakshandsamar Christopher Straumøy orienterte om saka, jamfør saksutgreiinga.

Ordførar Per Lerøy (Ap) viste til at det har vore diskusjonar rundt fordelingsmodellen for kostnadene, og ein ser at det ikkje er rimelegare måtar å løysa dette på.

Handsaming i kommunestyret:

Kommunedirektøren sitt framlegg vert samrøystes vedteke

KS - vedtak:

Austrheim kommune si medfinansiering av drift av vassområdet Nordhordland vert kr 39.478 pr år frå 2022-2027. Midlane til dette arbeidet kan takast frå disposisjonsfondet. Prosjektplan for vassområde Nordhordland 2022-2027, datert mai 2022 vert teke til orientering.

Saksopplysninger:

Forslag til Austrheim kommune si medfinansiering av vidare drift av vassområdet Nordhordland er klar, dette etter at årsmøtet i Vassområdeutvalet i Nordhordland vassområde handsama denne saka, den 16.06.2022. Prosjektplan for vassområde Nordhordland 2022-2027 vart då også godkjent av Vassområdeutvalet.

Kommunane i Norge har ei viktig rolle i arbeidet med vassforvaltning. Klima- og miljødepartementet har koordineringsansvaret for vassforskrifta på nasjonalt nivå. Vassforskrifta frå 2007 legg føringar for dette arbeidet og definerer kommunen sine rettar og plikter i dette arbeidet. For å samordne dette arbeidet er landet delt inn i vassregionar og vassområde.

Nordhordland vassområde (kommunane Alver, Austrheim, Fedje og Masfjorden) har 229 vassførekomstar fordelt på kyst (31), grunnvatn (3), innsjø (77) og elv (118). I Nordhordland er det definert 188 vassførekomstar i kategorien naturlege overflatevatn. Av desse oppnår i dag berre 29 % god eller svært god økologisk tilstand. Tilstanden er moderat i 60% av dei naturlege vassførekomstane, og dårleg eller svært dårleg i 17 % av overflatevassførekomstar.

I 2020-2021 var mykje av arbeidet i vassområdet knytt til revidering av regional vassforvaltningsplan og tiltaksprogram for 2022-2027. Det har vore eit samarbeid mellom kommunane og vassområdekoordinator for å føreslå og legge inn nye tiltak i vassområdet vårt. I elver med påverknad frå landbruk/avløp vart det i Austrheim kommune teke 5 vassprøvar i perioden juni-nov 2021. I 2020 var det søkt om midlar til habitatkartlegging i sjøaurebekker på vegne av Nordhordland vassområde. Søknaden på kr 350 000 vart innvilga og arbeidet gjekk til Rådgivende Biologer AS. I Nordhordland vassområde vart det plukka ut 12 vassdrag. Rapporten var ferdig i 2021, ei elv vart kartlagt i kommunen vår (Kvernhuselva på Fonnes). Det er interesse frå elveeigarlag i Austrheim om å følgje opp tiltak i frå planen, med søknad om støtte i 2023. Årsmeldinga 2021 er vedlagt.

Kvar kommune er representert i eit vassregionutval og er medlem i eit vassområdeutval. Kommunen skal samarbeide med andre kommunar om å løyse oppgåvene i vassforskrifta i vassområdet. Vassområdekoordinator er sekretæren i dette utvalet og skal samordna arbeidet og hjelpe kommunen med å få utført sin del av arbeidet med å få utarbeidd ein vassforvaltningsplan. Viktige oppgåver for vassområdekoordinator (50% stilling) er å vere pådrivar og rådgjevar for kommunane. Finansieringa av arbeidet i vassområdeutvalet skal skje med bruk av kommunale, fylkeskommunale og statlege midlar. Vestland fylkeskommune bidreg årleg med midlar i eit spleiselag med kommunane om drift av vassområdet. Det vesentlege av midlane frå fylkeskommunen er tilskot frå Miljødirektoratet. Statsforvaltaren mottar årleg statlege midlar til overvaking, problemkartlegging og andre fagrelaterte prosjekt frå Miljødirektoratet. Vassområda har årleg fått økonomisk tilskot til mellom anna overvaking.

Finansiering av vassområdet vårt var sist oppe i kommunestyret den 10.12.2020, i sak 117/20. Vedtaket då vart i tillegg til ei løyving for 2021 at vidare kostnadsfordeling for åra 2022-2027 må drøftast i politiske fora og med Vestland fylkeskommune.

Vedteken betalingsmodell i fylket for kommunane i Vestland i 2022 til 2027 går fram av tabellen under. Summane vert regulert årleg etter konsumprisindeksen.

Tabell som viser grunnlagsdata og kostnader per kommune i vassområdet:



Kostnadsfordeling kommune 2022 - 2027			Befolkning	Jordbruks-areal i drift (dekar)	Fast del	Etter folketal	Etter jordbruks-areal	SUM pr år 2022-2027
K-nr	Kommune	Vassområde	2020	2019	30 %	35 %	35 %	100 %
4631	Alver (utanom areal i Voss-Osterfjorden VO)	Nordhordland	26 261	61 606	22 500	87 880	87 168	197 548
4632	Austrheim	Nordhordland	2 882	5 183	22 500	9 644	7 334	39 478
4633	Fedje	Nordhordland	548	314	22 500	1 834	444	24 778
4634	Masfjorden	Nordhordland	1 686	7 106	22 500	5 642	10 054	38 196
	SUM Vassområde	Nordhordland	31 377	74 209	90 000	105 000	105 000	300 000

Det er laga ein **Prosjektplan for vassområde Nordhordland 2022-2027**, datert mai 2022. Denne prosjektplanen fortel om organisering, ansvar og oppgåvefordeling for drift av Nordhordland vassområde for perioden 2022-2027. Planen er godkjent av vassområdeutvalet i møte den 16.06.2022. Det er ei målsetjing å forankre denne prosjektplanen politisk gjennom vedtak/orientering i kommunane i Nordhordland vassområde.

Aktivitetsplanen for 2022 er laga for å følge opp forvaltningsplan, tiltaksprogram og handlingsprogram for Vestland vassregion 2022-2027, samt prosjektplan for Nordhordland vassområde.

Vurdering:

Kommunedirektøren meiner at den føreslåtte kostnadsfordelinga frå Vestland fylkeskommune er noko me kan akseptera for å få løyst oppgåva med vassforvaltinga på ein god måte framover. Han viser elles til saksutgreiinga i saka til kommunestyret den 10.12.2020.

Drifta av vassområdet er såleis eit spleiselag der kommunane finansierer 50 % av kostnadane, medan fylkeskommunen finansierer dei resterande 50 %. Kommunedirektøren meiner at for at dette viktige arbeidet ikkje skal stoppa opp av økonomiske årsaker bør Austrheim kommune løyva kr. **39.478** til dette arbeidet kvart år i perioden i 2022-2027. Det betyr ikkje at kommunedirektøren er heilt samd i den vedtatte betalingsmodellen til Vestland fylkeskommune, men det er viktig no at dette arbeidet og samarbeidet ikkje stoppar opp, vassområda, miljøet og innbyggjarane våre fortener ikkje det.

Kommunedirektøren vil understreka at kommunane skal sikra innbyggjarane trygt drikkevatt, reine badeplassar, og ta vare på fisk og anna naturmiljø i og langs vassdrag. Dette krev at Austrheim kommune arbeider systematisk med miljøtiltak knytt til utslepp frå avløp og avrenning frå jordbruk, og å tryggje vassmiljøet gjennom arealplanlegginga. Med ein vassområdekoordinator i Nordhordland får me god hjelp til dette arbeidet. Finansiering av dette arbeidet kan takast frå disposisjonsfondet.

Kommunedirektøren rår til at Austrheim kommune løyver kr. **39.478** pr år i perioden 2022-2027 til drifta av vassområde Nordhordland. Kommunedirektøren rår til at **Prosjektplan for vassområde**

Nordhordland 2022-2027, datert mai 2022 vert teke til orientering.

Konklusjon:

Kommunedirektøren rår til at Austrheim kommune løyver kr. **39.478** pr år i perioden 2022-2027 til drifta av vassområde Nordhordland. Kommunedirektøren rår til at **Prosjektplan for vassområde Nordhordland 2022-2027**, datert mai 2022 vert teke til orientering.